

勿同與州邑之誌不求
甚異而自各有異非敢
謂擦筆削之微權也夫
亦本矢公矢慎之初志
以期傳信于可久耳若

欲上諸

天府以儲備異日纂修

一統之助則猶待

各憲臺之鴻章鉅製鏗金

石而銘鼎鐘者彙訂成

帙于以潤澤黼黻焉天
末微臣不幾與有榮施
乎是役也始於庚子初
冬迄於辛丑仲秋歷時
以遠需費浩繁悉皆勉

捐冰俸以佐之紳士亦
自願醵金之不逮並未
及民間一絲一粟至倡
修辦理之勞郡人經生
李廷相居多而一時採

輯校閱師儒例得列名

簡端是爲序

昔

康熙陸拾年辛丑仲秋知廉

州府事金州徐成棟書



--	--	--	--	--	--

重修廉州府志序

嘗閱後天卦位艮居東北
山之所起也先天卦位兌
居東南澤之所潴也廉郡
東北枕山西南瀕海爲粵
東之極邊是以天地盛大

流行之氣獨後至焉遲至
而緩發勢也亦理也三代
以前列在荒服之外至秦
始入中國是時南蠻之習
未改卉服之風未革持章
甫而遠茲無所用也魏晉

以後中原多故衣冠之
多徙於茲或宦或商戀茲
土而不去過化漸染歲異
而月不同我

朝聲教淪浹絃誦相聞彬彬
稱盛其間吏治之因革學